

T12

Carme VII
I baci infiniti

Metro:
endecasillabi faleci

- 1 Quæris quot mihi basiationes
tuæ, Lesbia, sint satis superque.
Quam magnus numerus Libyssæ harenæ
laserpiciferis iacet Cyrenis,
- 5 oraculum Iovis inter aestuosi
et Batti veteris sacrum sepulcrum;
aut quam sidera multa, cum tacet nox,
furtivos hominum vident amores:
tam te basia multa basiare
- 10 vesano satis et super Catullo est,
quæ nec pernumerare curiosi
possint nec mala fascinare lingua.